

清 李用粹 編著

上海衛生出版社


證治彙補

樣本庫

清
李用粹
編著

證
治
彙
補

上海
衛生
出版
社



23696

內 容 提 要

本書編者彙集了古人對內科雜病方面的證候認識，和治療經驗，刪蕪存菁地把很複雜的各種證候，精細分析，介紹其辨證論治方法，凡古人所未及者，自將經驗補入。

全書共八卷，大別為提綱、內因、外體、上竅、胸膈、腹脇、腰膝、下竅八門，在每門所挈領的各類病症中，明確分析了所包括各種不同證候的病原、診斷、治法、方藥等項。系統清晰，敘述詳盡。

茲據康熙舊德堂本校印，提供學習中醫者作為臨床治療上的參考用書。

2/27/53

證 治 彙 補

清 李用粹 編著

*

上海 衛 生 出 版 社 出 版

(上海南京西路2004號)

上海市書刊出版業營業許可證出 080 號

上海市印刷五廠印刷 新華書店上海發行所總經售

*

開本 787×1092 耗 1/32 印張 15 字數 283,000

1958年5月新1版 1958年5月第1次印刷

印數 1—2,200

統一書號 14120·416

定價 (9) 1.70 元

徐序

陶隱居曰。余宅身幽嶺。迄將十載。雖每植德施工。多止一時之設。可以傳芳遠裔者。莫過于撰述。故隱居于修真之餘。撰藥總訣肘後方本草三書。唐司馬子微所稱闡幽前秘。擊蒙後學者也。自炎帝嘗草。軒皇作經。降及後代。莫不有書。故世得其濟。民無天札。是則闡幽擊蒙。端賴于撰述矣。苟無傳書。雖善息脉如俞跗。善處方如桐君。亦惟自神其伎耳。將何以廣其傳。以共濟羣生哉。上海李惺菴先生。才敏識精。以其餘學。傍究醫術。息脉處方。有驗精良。博采軒岐以來諸書。條貫辨晰。標奇舉要。集爲一編。命之曰證治彙補。予讀而嘉之。以爲越人淳于。雖神奇難遇。今可以探之枕笥而得矣。扁鵲傳曰。人之所病。病疾多。而醫之所病。病道少。病疾多者。言病其疾之症多也。病道少者。言病其治療之道少也。拙工抵滯。不能旁通。是以病道少也。茲書別爲八門。統以十事。參伍錯綜。應變無窮。何患其道少乎。鍾律至微也。昔人以辨症切脉比之。兵法至變也。昔人以製方用藥比之。茲書十事之中。始于病因。終於方劑。臨症施治。瞭然於心目。又何患其微且變乎。甚矣。惺菴之施博而功大也。蘇子瞻云。蜀有學醫人費之諺。太倉公對詔問曰。臣意心不精脉。時時失之。不能全也。太倉公醫之聖。而至于神者也。心偶不精。猶或失之。況今之爲醫者乎。吾願讀是書者。用心必精。毋馳于名。毋驚於利。學之萬全。而後用之。不然。必費人矣。可不懼哉。

康熙辛未七月崑山弟徐秉義書

自序

夫書以載道。非博無由考其詳。學以窮理。非約不能操其要。神明於博約之間。而精一之道坦然昭著矣。岐俞之學。自皇古而遞至興朝。從廟堂而數夫草澤。千載羣書。真足充棟。不患乎書不博。而患用書者驚博也。不患乎說不約。而患立說者拘約也。何則。索隱之材。駕前哲而攻已成之論。庸常之質。守一家而泥偶效之方。所以異學爭鳴。同人互駁。求其貫通素難出入緩和者。幾罕觀矣。予也謬叨家學。上參三墳之典。下考往哲之書。審其異同。窮其辨論。始知古人立說。適所以相濟而非相悖也。如仲景治冬寒。而河間發明溫暑。潔古理脾胃。而東垣發明內傷。子和攻痰飲。而丹溪發明陰虛。此六家者。古今稱爲醫學之宗。迨夫冬寒之論。至王安道而中寒傷寒始明。溫暑之論。至巢元方而熱病中暑方晰。內傷之論。得羅謙甫而勞傷食傷乃別。痰飲之中。分濕痰燥痰。其說明於隱君。陰虛之中。分真陰真陽。其論創自叔和。乃知古人立說。各有一長。取其所長。合爲全璧。先聖後聖。其揆一也。然廣徵萬卷。恐多岐亡羊。專執一說。是守株待兔。不若內遵經旨。外律諸家者爲當耳。于是不揣孤陋。取古人書而彙集之。刪其繁而存其要。補其缺而正其偏。每症列成一章。每章分爲數節。其間首述靈素。示尊經也。下註書目。傳道統也。冠以大意。提綱領也。贅以管見。補遺略也。稿凡三易。輯成數卷。顏其端曰證治彙補。蓋欲以彙合古人之精意。而補古人之未備也。大概此集編次法。卽爲臨症審治法。先以病因。詳標本也。次以外候。察病狀也。次條目。審經絡

也。夾辨症。決疑似也。次脉象。憑折衷也。次治法。調虛實也。次刼法。垂奇方也。次用藥。揅入門也。續以附症。博學問也。終以方劑。與繩墨也。每症之中。首尾編次。皆列爲十事。如是而大綱畢備。條理井然。合其章句。前後相貫。分其節目。次第成章。庶幾流覽誦讀。無太繁太簡之弊。俾賢智者。俯而就之。卽不及者。亦跂而致之。是或繼往開來之一助耳。但病機變化。誠難盡於紙上陳言。證治玄融。豈易罄夫心中妙理。予才末學。茲集少文。是知規矩不足盡匠氏之巧。穀率無以喻射者之智。彼臨機應變。必竢神聖通心。舉錯合宜。方爲化工在手。斯實望於世之君子。

時康熙丁卯孟冬上澣申江李用粹修之氏題於杏花春雨書屋

凡例

一、雜症刻本甚多。然繁者連篇累牘。雖詳於議論。而有汗漫之失。簡者短歌叶韻。雖便於記誦。而多缺略之文。茲集彙合羣書。採其至言。摘其要句。故節目多而不繁。法則備而不簡。是幼學必讀之書。亦壯行不磨之範。

一、病機症狀。變化多端。賴昔賢經歷驗過。各著簡策。昭茲來學。故諸書之中。各有一得。而良法美意。存乎其中。此集錄其緊要。斷章取義。所以有摘一二句者。有留一二法者。其餘文無當者。則刪而不錄。

一、古今著書立說者。或垂心法。或載新論。或立奇方。是皆有功於來學。豈可沒其聲稱。故每句每段每方之下。必註明出處。傳述淵源。間有未備。而余僭增一二以發明之。其下則註彙補二字。

一、醫書之有靈素。猶儒家之五經也。故每章必首述經文。間有經中論症論法。支節分歧者。則亦編入因症條內。蓋取其條目井井。一覽了然。易於分辨也。

一、每症章中。各題大意。病因病狀。詳列脉法治法。雖有種種段落。但取文理貫通。互相接續。俾讀者明白顯易。便於記誦。抑且啓其文思。非好爲割裂也。

一、古來諸方。先輩或編爲類方。或詳爲考論。雖有各刻。然究意尙未全備。蓋方名繁雜也。茲集所選。但存至當至正者。故附方特少。蓋欲就乎正之途。以示後世耳。然熟玩諸法。則正中有奇。奇中有正。加減變

化。存乎其人。善將將者。亦不嫌其少矣。

一、用藥之法。諸家書中。某症係某方。加減某藥。然以一方而垂加減之法。則症候未備。莫若以一症而垂加減之法。則取舍必詳。故茲集每章另立用藥之規。載備用之品。是法丹溪之意。以立言耳。

一、病有七事。曰病因。曰見症。曰脉象。曰經絡。曰治法。曰用方。曰選藥。茲集務欲辨明症候。審量治法。故證治獨詳。

一、脉法爲投治之本。故每章列證以後。先載脉之順逆吉凶。以爲學者入門之法。至於脉之體狀。另有專本刊行。

一、傷寒傳變。方法最嚴。另有特本。以俟續刻。此集不載。

目錄

卷之一

提綱門

中風	一
似中風	一九
傷風 附胃風	二四
中寒 附外感陰毒 內傷真陰	二七
暑症 附疰夏 煎厥說 濕溫	三三
濕症 附風濕 寒濕 濕痺 濕熱	四〇
燥症	四七
火症	五〇
卷之二	
內因門	
氣症	六〇
血症	七〇
痰症	七七

卷之三

外體門

飲症	九〇
傷食 附惡食 不能食	九五
傷酒	一〇二
鬱症 附失精脫營	一〇七
脾胃	一二四
勞倦	一二三
虛損	一二六
癆瘵 附傳尸癆 風癆 鬱癆	一三三
蟲病	一五九
卷之三	
外體門	
發熱	一四三
惡寒 附產後惡寒 呻欠	一五〇
汗病 附盜汗 頭汗 飲食汗 心汗 陰汗	一五五
瘡疾	一六〇

斑疹 附妊娠斑疹……………二七〇

黃病……………二七五

水腫 附肺脹身腫……………二八一

破傷風……………二九〇

癘風 附鵝掌風方……………二九三

痺症……………二九六

痛風 附鬼箭辨……………三〇三

麻木……………三〇六

瘥病……………三二一

卷之四

上竅門

眩暈 附鬱冒 肝厥 頭重……………二六六

頭痛 附眉棱痛 腦痛……………三三〇

面病 附頰頰……………三三六

頭風 附雷頭風 大頭風……………三三九

目疾 附偷針眼 雀目眼 倒睫拳毛……………三三三

耳病 附耳鳴 耳痛 膿耳 停耳 聾耳 耳聾 耳癢……………三三九

鼻病 附腦砂……………二四四

口病 附唇病 舌病 齧舌……………二四九

齒病 附走馬牙疳 齒蝕……………二五四

咽喉 附伏氣 疫氣……………二五八

卷之五

胸膈門

咳嗽 附肺痿 肺癰 肺脹 胸痺 痰火……………二六五

喘病……………二七三

哮喘……………二七六

吐血 附衄血 嘔血 咳血 咯血 唾血……………二八一

呃逆……………二九〇

嘔吐 附漏氣走哺 食痺……………二九三

痞滿……………二九九

噎膈 附梅核氣……………三〇二

反胃……………三〇七

吞酸 附吐清水……………三三〇

嘈雜 附噯氣……………三三三

惡心	三五
消渴	三六
癲狂 附中邪 心風	三二
痢病	三七
驚悸怔忡 附卑慄 失志	三〇
健忘 附驚恐	三四

卷之六

腹脇門

心痛 附胃脘痛 胸痛	三九
腹痛 附腹中窄狹 小腹痛	三七
霍亂	三五
積聚	三七
脹滿 附蟲蠱脹	三六
脇痛	三七〇
腰痛 附腎着	三七五

卷之七

腰膝門

痿躄 附鶴膝風 陰痿 解傍	三八〇
疝氣 附木腎 偏墜 白液 陰挺 腎囊風	三八八
腳氣 附濕火 附骨疽 腳心痛	三九九
厥症 附急救法 暴死總論	四〇六

卷之八

下竅門

泄瀉	四四〇
痢疾	四二
便血 附腸風 臟毒 腸癖 蟲毒 血痔	四三二
溺血	四三八
便濁 附精濁	四三九
遺精 附夢遺 鬼交	四四三
癰閉 附轉胞 胞痺 關格	四四七
遺溺	四五二
淋病 附冷淋 虛淋 小便頻數	四五五
秘結 附脾約 陰結	四六一
脫肛	四六六

證治彙補卷之一

清 李用粹 編著

提綱門

中風

大意

風者。百病之始也。又曰。百病之長也。善行而數變。內經大法有四。曰偏枯。半身不遂也。曰風痲。四肢不舉也。曰風癱。卒倒不語也。曰風痺。遍身疼痛也。岐伯四症爲風家綱領。故首列之。

內因

人之元氣強壯。榮衛和平。腠理緻密。外邪焉能爲害。惟七情飲食。勞傷色慾。致真元耗散。榮衛空疎。邪乘虛入。用和所以氣虛之人。肝木不平而內風易作。彙補

外候

爲卒中昏倒。爲竄視喎斜。爲搐搦反張。爲骨痛筋急。入經癱瘓。入絡膚頑。入門暴瘡暴昧。語言蹇澀。痰涎壅盛。皆中風之候也。醫鑑隨其經絡臟腑俞穴而調之。所謂虛之所在。邪必湊之。彙補

中 臟

中臟者。內滯九竅。故昏沉不語。唇緩痰壅。耳聾鼻塞。目合不開。大小便閉。機要乃邪滯三陰裏分。爲閉症。實者三生飲以疎上竅。三化湯以利下竅。虛人中臟。見脫症者。急宜大補參附。耆朮之類。東垣

中 腑

中腑者。外着四肢。故手足不隨。拘急不仁。或中身前。或中身側。痿不能動。有六經形症。頭疼發熱。惡風惡寒。面見五色。脉浮而弦。或痰涎壅盛。喘聲不息。然目猶能視。口猶能言。大小便不閉。仍中腑也。機要乃邪着三陽表分。宜發汗以洩其邪。小續命湯主之。東垣

中 經

中經者。外無六經形症。內無便溺阻隔。但半身不遂。語言蹇澀。丹溪若兼口眼歪斜。痰涎不利。乃邪着于血脉之中。宜養血舒筋。大秦芫湯主之。

按。中臟中腑中血脉。論病之淺深也。是以發明云。中血脉則歪口眼。中腑則肢節廢。中臟則性命危。凡中腑之後。幸而得生。若不戒酒色。避風寒。病必復中。中必在臟。由淺入深。雖有倉扁。亦難措手也。

卒倒不語

卒倒不語爲風癰。卽中臟症也。彙補咽中噫噫。舌強難言。俗稱急中風。乃其候耳。發汗。身軟者生。汗不出。身硬唇乾者死。視其鼻人中左右上下。白者可治。一赤一黑。吐沫者死。醫貫以滌痰湯。八味順氣散主之。

大汗出。六君子湯加黃耆主之。

半身不遂

半身不遂爲偏枯。卽中經症也。集補因虛邪偏客于身半。內居榮衛。榮衛衰。真氣去。邪氣獨留。發爲偏枯。靈樞在左爲癱。在右爲瘓。癱者。坦也。筋脉弛縱。坦然不收。瘓者。渙也。氣血渙散。筋骨不用。醫貫其在左者。屬死血少血。在右者。屬痰壅氣虛。丹溪未嘗必指于風而後能也。但兼風者。其身必痛。純屬虛者。其身不痛。入門外症。言不變。志不亂。病在分腠之間。益其不足。損其有餘。乃可復也。靈樞以理斷之。左半雖主血。非氣以通之。則不流。右半雖主氣。非血以麗之。則易散。氣血左右。不可執泥其治。一偏之病者。法當從陰引陽。從陽引陰。從左引右。從右引左。既其未枯。旁枝自茂。大概男子在右易治。在左難治。女人在左易治。在右難治。喻嘉言

四肢不舉

四肢不舉爲風痹。卽中經脉也。集補舌強不能言。足痿不能行。河間輕者。志不亂。言微知。易治。甚則不能言者。難治。靈樞分而言之。有濕痰內滯者。痰火流注者。有腎肝陰虛者。有命門火衰者。有血衰氣虛者。病機

遍身疼痛

遍身疼痛。卽風痺症也。集補外症。一臂不遂時。復轉移一臂。靈樞四肢肌肉。不爲我用。似偏枯而多痛者是也。三陽因風寒濕氣錯合而成。寒勝則血凝而不流。故筋骨掣痛。爲痛痺。濕勝則血滯而不和。故重着

不行。爲着痺。風勝則氣縱而不收。故走注疼痛。爲行痺。三氣兼併。血滯而氣不通。故周身疼痛。爲周痺。久風入中。腠理不營。故肌肉不仁。爲頑痺。腰項不能俛仰。手足不能屈伸。醫賈其邪在經隧而痛者。易治。若舉動即痛者。是無血以養筋。名曰筋枯。不治。丹溪

口眼歪斜

手足陽明之脉。挾口環唇。手足太陽之脉。抵目兩眦。靈樞風邪入經。邪氣反緩。正氣反急。牽引口眼。歪斜或左或右。大全

口禁不開

手三陽之筋。結于頰頰。足陽明之筋。挾于唇口。風邪乘之則筋攣。故令牙關急而口禁。宜破棺散措齒數遍。牙熱自開。

失音不語

脾脉連舌本。心脉系舌本。腎脉循喉嚨夾舌本。故心脾受風。則舌強難言。腎虛脉萎。則口瘡不語。二者虛實各不同也。又有風中會厭者。痰塞喉中者。痰迷心竅者。口禁不開者。若風氣入臟。見絕症而難言者危。

筋脉癱瘓

癱者。筋脉急而縮。瘓者。筋脉緩而伸。或伸或縮。動搖不止。綱目癱屬肝經風熱血燥。或肝火妄動耗血。瘓屬肝經血氣不足。或肝火汗多亡血。以致手足抽搐不已。立齋所謂血枯木旺而生風也。

十指麻木

大經小絡貫串一身。謂之脉。脉布四肢。絡聯百節。脉者血之隧道。筋者血所榮養。脉皆起于手足指端。筋皆會于手足肢節。故血氣衰耗。痰涎凝滯。而作麻木。宜神效黃耆湯。或補中、六君。俱加鈎藤、竹瀝、薑汁。
集補

預防中風

平人手指麻木。不時眩暈。乃中風先兆。須預防之。宜慎起居。節飲食。遠房幃。調情志。更以十全大補湯加羌活常服。自愈。若古法。用天麻、豬鬃、愈風等湯。開其玄府。漏其真液。適所以招風取中。預防云乎哉。
準繩

辨真中風

凡中暑中寒中濕。痰厥氣厥。食厥熱厥。虛暈。皆卒倒不語。但風必有歪斜搐搦。或偏枯之症爲異。入門就諸類症之中。惟中氣與中風尤相似。但中氣身冷脉沉無痰涎。中風身溫脉浮有痰涎也。
集補

辨閉脫症

凡卒仆暴厥。須分閉脫。牙關緊閉。兩手握固。卽是閉症。其病易治。如口開鼾睡。小便自遺。卽是脫症。其病難治。準繩閉者。邪氣閉塞于外。元氣猶然在內。但與開關利氣。則邪自散。故治易。脫者。元氣洩于外。邪氣瀾于內。雖與峻補。而臟已傷殘。故治難。諸症皆然。不獨中風也。
集補

死候

心絕口開。肺絕鼾睡。脾絕手撒。肝絕眼閉。腎絕遺尿。肉脫筋痛。髮直頭搖。吐沫直視。面赤如粧。汗出如珠。吐血下血。皆爲不治。正傳若見一二症。尙可救療。如口開者。不過一時死。集補

脉法

中風脉浮滑兼痰氣。其或沉滑。勿以風治。大法。浮遲沉緩者。吉。洪大急疾者。凶。又脾脉獨緩而無力者。亦難治。

總治

風症皆痰爲患。宜化痰爲先。初得之即當順氣。日久即當活血。丹溪蓋風本于熱。熱勝則風動。宜以靜勝其燥。養血是也。機要故治風先治血。血行風自滅。伊川其虛者又當培脾滋腎。脾土旺而血自生。脾氣運而痰自化。腎水足而熱自除。腎氣固而痰歸經也。集補

審汗下法

其病氣實而中腑中臟者。不可失其通塞。或一氣之微汗。或一句之通利。心法但須少汗。亦須少下。多汗則虛其衛。多下則損其榮。機要

審探吐法

痰涎壅盛。不能言者。皆當用吐。一吐不已。則再吐。然亦有氣血虛而不可吐者。心法若一旦盡去其痰。則手足骨節皆枯。反成痿廢。慎之。仲景